

桃花源志



桃花源志卷二十三目錄

藝文

古今體詩

桃源圖南問津圖

春泉圖

國朝

王懋岱

五首

李漁

一首

顧景星

一首

毛奇齡

一首

高士奇

一首

沈廷文

一首

黃任

一首

謝道承

一首

錢陳羣

一首

羅時昶

一首

桃花源志

卷二十三

目錄

羅天緒

一首

商盤

一首

趙島

一首

周起渭

一首

嚴遂成

一首

張鵬翀

一首

胡天游

一首

鄭虎文

一首

陳樹蓍

一首

沈德潛

一首

劉塘

一首

蔣士銓

一首

羅南英

一首

方燮

一首

喬文煌

三首

吳錫麒

一首

葉紹棻

二首

彭希鄭

二首



退補齋藏板

黃中 一首

周廷杰 一首

張問陶 一首

唐仲冕 一首

陳式勳 一首

吳嵩梁 一首

徐正琳 一首

胡啟榮 一首

唐步庚 一首

劉熊 一首

聶銑敏 一首

鄧大林 一首

萬師韓 一首

沈學廉 一首

陸坊 一首

翟漱芳 一首

唐開銓 一首

王才果 一首

桃花源志

卷十三

目錄

一一

退補齋藏板

張琳 一首

黎際時 一首

張鵬九 一首

譚精品 一首

馬士圖 一首

陳圭 一首

岳士鏞 一首

伍朝贊 一首

徐朝彝 一首

王慶麟 一首

盧爾秋 一首

郁位中 一首

許棻 一首

康學倫 一首

唐鴻緒 一首

陸耀遠 一首

陳樂光 一首

楊寅 一首

段爲黼 一首

彭瑞毓 一首

閨媛 周映清 一首

桃花源志

卷二十三

目錄

三

退補齋藏板



桃花源志卷二十三

永康胡鳳丹月樵編纂

藝文

古今體詩

國朝

王岱

字山長湘潭人崇禎己卯舉人國朝官隨州學正京學教授廣東澄海知縣薦舉博學鴻詞科著有了庵集且園近集浮槎溪上草堂等集

題畫桃源圖寄陶仲調

靖節桃花源記語語皆自寫照不知有漢無論

魏晉即甲子紀年之意此後無問津者笑煞後

人矣仲調抱靖節之操氏族同而心不異故以

桃花源志

卷二十三

藝文

一  
退補齋藏板

相贈

羲皇一枕北窗中風味陶家先後同不羨洞中忘漢魏

更勞漁子有津通

此後無人更問津洞中虛負武陵春豈知栗里遺風在

依舊桃花作主人

初無彭澤歸來事豈受山中宰相名一片冰霜門館肅

冥心高坐聽松聲

寒泉幾疊雜松濤萬壑冰霜閉戶牢莫謂桃源無歲月

此中桑海坐來消

沅湘耆舊集

李吉津索畫桃源圖并題

叢巖邃谷別成村耕鑿相忘長子孫本為避秦聊復爾

後人妄擬作仙源

同上

國朝李

漁

字笠翁仁和人順治間布衣工詩書西晉美吟咏按國朝詞綜云蘭谿人

桃花源圖

不識此何地常於紙上逢桃花來水上雞犬在雲中

源志

國朝

顧景星

字黃公蘄州人康熙己未薦舉博學鴻詞著有白茅堂集

桃花源圖

桃花源志

卷三十三

藝文

二

退補齋藏板

國家承平日何地無桃源雞鳴隱茅屋流水當柴門山  
川有餘靜草木含嬋媛兵戈一搜索巖壑生煩冤洞幽  
積白骨世遠沈仙魂區區武陵上秦客今安存虛聞淵  
明記難信瞿童言眾谷繼哀籟一峯先斷猿達人善避  
世隨地安田園悠繆白雲外有無安足論

本集

國朝

毛奇齡

初名姓字大可蕭山人康熙己未以監生召試博學鴻詞授翰林院檢討著有西河集

桃花源圖

桃花灼灼開千樹不記當時問津處明霞一片連白雲  
中有漁人捨舟去捨舟欲入志未違桑麻千頃迎朝暉

武陵溪上東流水時見桃花片片飛 本集

國朝高士奇 字澹人錢唐人居平湖康熙朝以諸生薦直內廷授中書舍人改翰林院侍講官至內閣學士著有清吟堂集

書文待詔桃花源圖卷後

洞口桃花萬樹春溪流不合引漁人自從傳出仙源事

翻使漁郎欲問津 本集

國朝沈廷文 字原衡號元洲秀水人康熙戊辰進士殿試第一人及第授翰林院修撰甲戌會試同考官乞假省親再赴職以病歸卒年四十七未展其用士論惜之著有廣居樓詩集

題桃花源圖

桃花源志 卷二十三 藝文 三 退補齋藏板

水繞山環遠客塵渾忘漢魏不知秦漁人問渡歸何處

惟見桃花萬樹春 本集

國朝黃任 字志伊號莘田永福人康熙壬午舉人官至四會縣知縣著有秋江詩集

題桃花流水畫冊

桃花灼灼水潺潺隔斷千山與萬山生怕漁郎漏消息

不流一片到人間 本集

國朝謝道承 字又紹號古梅侯官人康熙庚子解元辛丑進士官至內閣學士兼禮部侍郎著有小蘭陔詩集

合編

題桃源圖

神仙誠渺茫桃源勞悵望彭澤作記後描畫窮殊狀摩詰自清真退之騁雄壯未得王介甫詞氣亦豪宕流傳入歌詩圖寫上屏障彭澤本寓言異境發高唱武陵賢太守早被漁人誑南陽劉子驥鬱鬱矜高尚遂令千載後迷津生恂悅我謂武陵溪一旦可十往醉鄉與睡鄉人在羲皇上身世恍華胥懷歌又懷讓大地盡耕桑尺土無閒曠康衢遊童叟斗酒可以餉壽域登吾人太和相醞釀比戶皆仙源處處桃花漲何事勤問津拏舟遠相向

治南詩藪

### 桃花源志

### 卷三

藝文

### 四

退補齋藏板

### 錢陳羣

字栢南號集齋嘉興人康熙辛丑進士授編修視學湖北陝西江西等省官至刑部侍郎

著有香樹齋詩集

### 題查生桃源圖

身世漁樵約桑麻物力供仙家多歲月吾輩有遭逢行到溪邊盡笑看塵外蹤展圖思驀入回首白雲封

本集

圖

### 羅時昶

字楚山桃源人宗玉孫康熙間歲貢生

### 問津圖

丹崖翠嶂凌雲起一鏡澄泓碧流水夾岸桃花絢綵霞扁舟泛泛捕魚子洞裏仙人笑口迎爲開松徑展芳裯

衣冠樸略猶古製雞犬蕭疎無世情春色四時瑤草馥  
垂髻華髮懼相逐不羨安期訪祖州差同黃綺棲商谷  
白帝傾積赤帝興同棲三馬復相乘轉眼滄桑六百載  
龍爭虎戰如風燈花閒問訊蹙然喜霧牖雲窗堪徙倚  
鄉心忽動沸波濤吹落紅塵千萬里裹糧重赴意模糊  
流水桃花去徑無晉後迷津何處問至今惆悵問津圖

桃花源

志略

國朝

羅天緒

見卷七

問津圖

桃花源志

卷三

藝文

五

退補齋藏板

桃源問津事有無萬樹桃花錦不如茂林修竹蔭阡陌  
盈盈一水琉璃鋪雲中雞犬聲髣髴宮室裊裊凌清虛  
漁舟一葉何容與邂逅伊人相招呼自選名山遂隱遯  
不記馳兔與飛鳥過眼滄桑如轉燭嬴劉曹馬紛啖屠  
忽思鄉縣反塵途蒼茫回首仙凡殊我來欲覓避秦處  
層峯疊嶂空踟躕不逢問津子徒觀問津圖問津事歷  
幾千載欲辨有無甯非愚安得神爲馬尻爲輿竦身飛  
上神仙都餐霞吸露脫凡軀

桃花源志畧

國朝

商盤

字寶意會稽人官爵未詳

題春泉圖爲天都汪攻石作

何處仙源可避秦洞中雞犬武陵春桃花莫遣隨流水

元亮荒唐賺殺人

桃花源志畧

趙霸島字浪仙號雪餘南昌人

桃源圖

爲有仙源在人人說避秦閉門高枕日酌酒萬山春點

綴勞君手棲遲借我身桃花隨處是漁者自迷津

江西詩徵

周起渭字漁璜一字桐埜貴陽人康熙甲戌進士選庶常歷官詹事府詹事著有桐埜詩集

題桃源問津圖送志尹

桃花源志

卷三三

藝文

六

退補齋藏板

五百年前事若何斷蛇失鹿兩消磨桃花本自秦時種

溪水甯知漢祀多我故籠中羨高鳥君徒畫裏著煙蓑

仙源偶值還鄉路聊把新詩寄棹歌

本集

嚴遂成

字崧瞻號海珊烏程人雍正甲辰進士官臨縣知縣乾隆丙辰舉博學鴻詞不與試歷官

嵩明州知州著有明史雜詠海珊詩鈔

題桃源圖

師來先生生清門勝國遺老中丞孫靈寶夙經龍漢劫

義熙私記柴桑村問問菴中門兩版白雲留住心難轉

生涯三絕畫書詩踏破當時鐵葉限流傳一幅桃源圖

茆屋禾田路超遠漢魏茫茫那可追依稀猶認秦雞犬  
想其下筆寓深意賸水殘山到雙眼洞口扁舟歸去來  
猿啼鶴怨吾知免吁嗟乎平原花木摧爲薪葛陂流離  
感路人茂先機杼魏公笏長埋黑土生丹燐此本弄藏  
幸無恙後賢購以雙烏銀浴手令我肅展視如獲劍履  
思先民夜深風雨起寒籟墨痕中溼西臺淚

湖州詩錄

鄂

張鵬翀

字天扉嘉定人雍正丁未進士官翰林院  
檢討詩書畫世稱三絕著有南華詩鈔

### 題畫桃源小景

茆檐雞犬雜漁樵流水桃花未覺遙欲覓漁郎舊津路

桃花源志

卷三十三

藝文

七

退補齋藏板

柳風吹月過溪橋

本集

鄂

胡天游

一名駱字雲持一字稚威山陰人雍正己酉  
副貢生乾隆丙辰薦舉博學鴻詞著有石笥

山房詩文集

### 前畫桃源行

桃源傳者皆神仙有無僞真何足言誰何想像發醉語  
到今此事爭留沿畫圖紛紛來好事盡道烟雲異人世  
老翁雞犬隨兒童那得此中人語意千年不破蒸霞春  
千年不出源中人亦言伏臘事先祖未甘避世辭鄉土  
一朝迴別謝里鄰定知秦後猶非秦祖龍鞭血驅壚石

不到蓬萊揖仙伯盧生徐市俱遯荒驪山銀海秋茫茫  
咸陽鼎烈愁飛雨方遣移家此中去鮑腥虵哭兩不聞  
秦人乃爲斯人恩溪深石困不可涉今日還傳幾葉孫  
本集

後畫桃源行

秦皇獵國烹六王九州圖已阿房藏樓煩合浦竟秦土  
何處有此天全鄉萬石撞鐘萬石鼓秦法冰毛吏冠虎  
徵驅尚欲到鬼神獨使空山成太古風塵晉魏白日昏  
燕魂趙骨無深林世間盡失種桃處詎是扁舟迷路尋  
桃花源志 卷二十三 藝文 八  
溪圍嶂繞花千畝長使丸泥封谷口不到華胥到葛天  
醉鄉但足通賓友花下主人延客俱花間茅屋春渠渠  
豈惟擾攘不知漢禮樂且可忘唐虞問津惆悵未能去  
空撫丹青謀割據欲趁漁人黃道真貌我落英溪上曙  
同上

鄭虎文 字炳也秀水人官爵未詳

題文伯仁桃源圖

避地本無地花源自有源沂雩春未暮得意可忘年  
桃織一溪錦松衣萬點苔一般家法在錯引問津來  
花桃

陳樹著

字學田湘潭人恪勤公第三子以父廕授刑部郎中出為福建汀漳道遷長蘆鹽運使內

投鴻臚寺卿著有學田詩草

本集

桃花問渡圖

君今向何處欲往桃花林桃花隔溪水難為塵世心沅湘

著舊集

沈德潛

見卷十五

題桃花源圖

廬舍圍花竹牛羊散陌阡誰言秦網密此地有閒田歸愚

桃花源志

卷三十三

藝文

九

退補齋藏板

集

劉

壻

字崇如號石庵諸城人乾隆辛未進士官至體仁閣大學士加太子太保謚文清著有石庵詩集

桃源圖

南陽高士不能到元亮文詞空為傳但見桃花更流水

豈知劉蹶與嬴顛神仙有無付疑惑日月照耀長山川

卽今洞口雲封地猶似鳴榔得路年

本集

題桃源圖

盤礴開仙境悠然意絕塵衣冠秦帝制花草晉時春俗

爲深居古人因易世新分明來去路漁客自迷津

同上

國朝 蔣士銓

字定甫一字莘畬又字心餘號茗生江西鉛山人乾隆丁丑進士官翰林院編修著有忠

雅堂集

### 李竹谿太守 桃源圖

秦人未入桃花源花開花落無人傳一自秦人來住此  
繞屋桃花都結子桃源只在世界中到者只有漁舟翁  
淵明作記當亦寓言耳遂謂秦人與花俱不死我疑大  
索十日不得張子房或者先到花間藏儒生墮坑伏生  
老定與桃花同壽考此圖題者豈不多半山歌後難爲

桃花源志

卷十三

藝文

十

退補齋藏板

歌誰將太守寫入柴門底漁弟樵兄共歡喜試讀淵明  
歸去來迺知桃源卽栗里太守讀書循吏儔江東嶺南  
經飽游勸農插花父老醉桑陰柳陌時句留太平之世  
無僻土滿地桃花樂歌舞秦人子孫久已入版籍何處  
深山判今古田家習苦亦可憐但求好官求豐年官好  
年豐花亦笑茅屋處處皆神仙共治惟良二千石太守  
不宜頭戴笠秦人晉人皆汝民我欲太守勿卜陶家鄰  
長與人間作好春

本集

國朝 羅南英

字仙塢桃源人乾隆辛卯舉人官中部縣知縣擢邵武同知以病予告終于家

爲唐竹谷寫桃花源圖自題二絕句

爲探摩詰畫中詩卅載風塵繫別思繪得名山真面出  
神仙蹤跡總難知

淶蘿山遠淨無塵萬壑千巖筆下皴我亦花溪學漁隱

此身甘作打魚人

竹谷別號花溪漁隱○桃花源志畧

國朝

方

變

字大章里居官爵未詳

題內子桃源放舟小照

碧桃灣裏聽鳴榔水複山重路渺茫過此便爲仙世界

來時還著嫁衣裳雲中雞犬應同聽月下房櫳好對牀

桃花源志

卷二十三

藝文

十一

退補齋藏板

願種林杭三十畝畫眉窗下話羲皇

隨園詩話

國朝

喬

煌

字效穀一字闡章號西邨太原人乾隆中官福建布政司照磨著有黃葉樓詩集

題桃源圖

桃花溪水溯幽居雞黍留賓遇豈虛假使漁人能好學

輕舟載出未焚書

水抱山環別有春天教著此避秦身一邨雞犬皆仙物

冷看桃花林外人

絕境誰教小口開塵踪屢溷欲何哉山中已是無今古

多事漁人此一來

本集

桃源圖自題二絕句

國朝 吳錫麒 字聖徵號穀人錢塘人乾隆乙未進士累官國子監祭酒著有正味齋集

### 題石谷子為王煙客畫桃源圖

桃花鄉裏桃花風一夜吹暖溪頭紅明霞照眼鶯啼樹  
春水拍天鷗在空隔花略約斜通處有客杖藜從此去  
閒領雛孫叱犢行頻持老瓦招農語臺心簇簇油菜黃  
麥苗剌剌沒雉長平連芳草羣鷗戲閃過斜陽一燕忙  
幽深真箇仙源在隱隱茅茨白雲內蠶市旋催桑柘挑  
社團爭趕雞豚賽飛來艇子中有人孤吟賞遍沿流春  
模糊脂粉空林澹點染丹青小筆皴畫者何人王石谷  
桃花源志

卷十三

藝文

十一

退補齋藏板

本集

國朝

### 葉紹棻

字書馨號香海歸安人佩蓀子乾隆己亥恩科順天舉人官福建廈門同知著有牽石軒

詩

### 題桃源圖

葉紹棻詩

徐福樓船去海涯神仙應有祖龍家誰知天上千年棗  
不及人間萬樹花

避秦翻得久居秦不識當途典午人可是阿房三月火

千秋繞得武陵春湖州詩續錄

彭希鄭字輩開長洲人乾隆己酉進士嘉慶中官常德府知府

題譚箕園桃花源纜船圖

人家稠密景熙穰雞犬桑麻世外鄉自是賢侯風近古

不徒氣象似羲皇

泛棹曾窺洞口春歸程旋逐馬蹏塵游蹤空想仙源勝

桃花源志 卷二十三 藝文 三 退補齋藏板

翻使桃花欲笑人桃花源志畧

黃中字德庸號包山乾隆間國子生吳輔仙謂其詩一字百鍊五言近體自成一家

桃源圖

靜綠拋紅雨春隙積翠浮空流默默洞口經年似舊春

桃花漏出山人宅山人宅內長兒孫生涯卻與紅塵隔

不逢堯舜曷歸乎魏晉紛紛踵秦迹有田可耕桑可蠶

知有父子無賓客何事漁郎踏浪來短簷片楫搜仙陌

竄沙白鹿印蒼苔逗月子規緣翠壁邂逅山人問索居

山人亦喜通消息相將雞黍話生平浩歎長安真似奕

不知此地少兵戈羲皇以上華胥國為囑漁郎暗往還

莫似桃花恣狼籍梁溪詩鈔

國朝周廷杰原名成邑字研山武陵人寄籍貴州鎮遠縣乾隆己酉舉人

觀陳吾山為百菊溪溪制軍寫桃源圖

持節觀風到武陵太平景象有明徵桑麻雞犬都如畫

展素揮毫得未曾桃花源志畧

國朝張問陶字仲治號船山遂甯人乾隆庚戌進士授編修官山東萊州府知府著有船山詩草

戊午三月自蜀至京師王春波以桃源圖見贈題

句誌之

桃花源志 卷十三 藝文

十四 退補齋藏板

君畫桃源我賦詩閒情何必外人知塵緣再誤仙緣隔

只在漁郎返棹時本集

國朝唐仲冕字六枳號陶山善化人乾隆癸丑進士官至陝西布政使著有陶山詩文集

招同人集金陵草堂橋之小桃源因出文衡山桃

源圖同觀分次昌黎桃源圖韻

城西山寺煙蒼茫道人黃髮如軒唐景學武陵新洞府

地鄰鍾阜舊草堂稱名應為逃名者嘯詠頻來造竹下

安得丹青一寫之佳境大小有同辭縮地移山遠非遠

論詩讀畫斯取斯展圖釣艇傍石室岸上花開紅映日

漁人曳漿入里間恍見滄風敦任郵阡陌交通到處花  
眼明錯認赤城霞幾重樓閣巖邊屋無限桑麻村野家  
忽聞世代歷年所花如欲笑泉欲語避匿或卧北窗風  
招延齊作東道主劉子高尚徒欣然此畫又經三百年  
西晉清言吁已邈南宮題筆卓可傳我今亦設雞黍饋  
小桃源豈桃源異自歎半生困塵鞅何曾飽食兼熟寐  
入山深處一蟬鳴閒游不遣猿鶴驚青溪會得圖中意  
白哈偕爲物外情衡山老似虎頭顧尋契底須怨遲暮  
卻憐迴擢黃道真空記津塗語外人

本集

桃花源志

卷二十三

藝文

十五

退補齋藏板

國朝

陳式勳

字佑輔號泗村應城人乾隆朝貢生著有泗村詩草

題周月溪畫桃花源圖

山勢奔騰點綴新綠蘿晴晝淨無塵溪頭春水還思晉  
洞口桃花不戀秦遺世求仙終屬隱寓言作僞反疑真  
請看寰海多風景處處停橈好問津

本集

國朝

吳嵩梁

見卷二十一

金惕庵太守解組訪桃源圖

茅屋三椽翠蔓遮出山我亦負煙霞置田未踐東坡約

漉酒先尋靖節家人海藏身真芥子仙源隨地有桃花

黔南小築容偕隱願卸風帆上釣槎

香蘇山館集

國朝徐正琳 字琢齋 沅江人 嘉慶辛酉拔貢生

### 題周月溪寫桃花源圖

點化黃金即上天憑他情懂亦成仙漁郎那得還丹訣

又駕扁舟泊晚煙 桃花源志畧 更一回滌髮無貽得魚頭人

國朝胡啟榮 字橘洲 乾州廳人 嘉慶辛酉拔貢生

### 題桃源圖

人間坤軸總茫茫洞口煙雲護上方不學韓公詠圖書

敢云仙跡屬荒唐

桃花源志 藝文

十六 退補齋藏板

涿蘿山遠碧溪斜寫入生綃境未差我本武陵垂釣客

春風幾度看桃花 桃花源志畧

國朝唐步庚 字漢西 號秋潛丹陽人 嘉慶間諸生

### 題桃源圖

雞犬桑麻隔世塵桃花一度一回新溪流誤引漁郎入

已被人傳就避秦 曲阿詩綜 曹雪衣 山齋 漁歌 吳棹

國朝劉熊 字湘華 番禺人 官爵未詳

### 題桃源圖

幾家茅屋掩重門兩岸桃花夾一村世外久無秦日月

山中還有晉乾坤六朝兵火王兼霸數畝田園子復孫

寄語問津休更往太平何事武陵源

桃花源志畧

國朝

聶銑敏

字蓉峯衡山人嘉慶乙丑進士選庶吉士授編修改兵部主事。睿廟五旬萬壽恭進詩冊賞還編修出為四川學政授浙江紹興府知府

題徐東園畫桃源圖

指點桃源境分明在眼前桑麻皆入畫雞犬半疑仙綠

水迎雙楫紅霞漲一川漁翁隨地是入世不知年

同上

國朝

鄧大林

字卓茂號蔭泉又號長眉道人香山人嘉慶間監生官國子監典籍著有種玉山房詩鈔

題桃花源圖

桃花源志

卷三十三

藝文

十七

退補齋藏板

聞道桃源可避秦便隨漁父問前津忽看渡口花飛急

知是人間又一春

本集

國朝

萬師韓

字仰亭武陵人官爵未詳

題譚篋園司馬十三次入桃源圖

我本武陵人曾讀桃源記溪上偶問津水流花亂墜古

洞鎖煙霞豈為秦人避松濤吼層巖遠響答天籟同此

一乾坤世遠風俗異使君甘棠陰扁舟幾信次去來十

有三溪山縈寤寐我欲從之游僊桃許分餌無奈理歸

鞭時以同知解

送君拚一醉再入俟何年惠我書先寄

桃花源

志畧

沈學廉

字瘦山仁和人嘉慶戊辰進士

題桃源圖

一抹雲山幾點煙清風環繞綠無邊尋常花鳥三春景  
看到桃源畫亦仙

同上

陸

坊 字野橋平湖人嘉慶戊辰舉人官永康縣學訓導著有草心亭詩鈔

題桃源圖

身不入桃源談仙輒色喜仙人竟何似妻子田園耳開  
落源上花來去源頭水水色與花光中有長生旨莫逐

桃花源志

卷二十三

藝文

六

退補齋藏板

武陵漁還問柴桑士

本集

國朝

翟漱芳 字芸樓涇縣人官爵未詳

題桃花源圖

捫藤引葛賴窮探一幅生綃擁翠嵐十里桃花紅在水

武陵春色勝江南

桃花源志畧

國朝

唐開銓 字秉衡號鶴田武陵人官爵未詳

題蔡盤谷春江垂釣圖

芒鞋筠笠倚山根一箇鱸魚酒一樽我亦武陵捕魚者

相逢好與話桃源

同上

國朝 王才果 字確庵瀏陽人良泮子懷悅好施能繼父志上官表其廬

題桃源圖

未至桃源地先看畫裏山  
神仙原縹緲身世費躋攀  
穿石雲千片桃川水一灣  
我生結幽契何日打魚還 同上

國朝 張琳 字玉圃武陵人嘉慶戊辰舉人

擬韓昌黎桃源圖

九州非復嬴秦地尚留一洞煙  
蘿翠跡祕深山六百年  
南朝始有淵明記淵明作記非寓言  
人間有境避塵喧  
松菊琴書歸粟里桑麻雞犬畫桃源  
人住深山裏

桃花源志 卷三十一 藝文 十九 退補齋藏板

山中留客炊煙起何事重來徑  
忽迷春風望斷桃花水  
一幘生綃寄到時有聲畫作無聲詩  
桃花更許漁舟入  
我亦沿溪理釣絲 同上

國朝 黎際時 字遠村瀏陽人官爵未詳

桃源圖

彎環一水碧無塵  
花裏春山溼翠新  
便欲移家畫中住  
扁舟來往逐漁人 桃花源志畧

國朝 張鵬九 字際盛號南池新喻人嘉慶間邑廩生

桃源圖

雲蟠古木石蟠根竹榻茅廬晝閉門但得高眠無個事

世間何處不桃源 渝水詩觀

國朝 譚精品 字梅龕永北廳人官爵未詳

白題畫桃源圖

人家何處住紫翠撲桃林山瘦依泉曲花繁映戶深衣

冠太古製黃綺舊時心漁父回舟後蒼茫不可尋 源志

畧名

馬士圖

字鞠村江甯人喜畫梅工鑿別嘉慶間嘗集畫社于莫愁湖著有紅豆莊詩鈔

五松園觀湯雨生寫花溪漁隱圖是日秦遠亭何

桃花源志

卷二十三

藝文

二十

退補齋藏板

梅陽黃子湘楊蓼汀孫竹康釋鷹巢同賦

靈區終古富春秋溪上漁人已白頭便欲相從問津去

何年一棹武陵游

深山古洞白雲遮千樹桃花一望餘小李將軍留畫本

不妨點綴到桑麻 本集

國朝 陳

圭 字蘭莊攸縣人嘉慶朝廩貢生官華容零陵訓導

題潘鸞坡桃源問津圖

芳草青青洲渚閒十年春夢落湘山仙源輸與桃花笑

借問漁舟更不閒 沅湘耆舊集

國朝 岳士鏞 字金樓武陵人官爵未詳

題桃花源圖

我本武陵人曾問桃源路碧溪西上泊扁舟過盡桃花  
見烟樹烟樹逶迤山徑深田家社鼓接楓林松閒泉度  
笙竽響竹裏風來鸞鶴音歸來因築桃花塢萬樹燕支  
溼春雨映水時添錦浪生倚闌莫作回風舞花閒長駐  
武陵春把酒看花異避秦何事荆關寫生手卻從畫裏

覓漁人 桃花源志畧

國朝 伍朝贊 字愛山沅江人官爵未詳

桃花源志

卷二十三

藝文

三

退補齋藏板

擬韓文公桃源圖詩

桃源有無何渺茫寓言寄意窮荒唐俗儒不解真耳食  
都疑仙境爭誇張淵明作記別有託柴桑即是真義皇  
桑麻雞犬在人境兒童黃髮歡相羊愛客招邀具雞黍  
目無魏晉言非狂豈有避秦種桃者肯令塵俗通輕航  
分明不足外人道當時此語堪參詳義熙以後書甲子  
乃與黃綺同頡頏讀書須貴識真諦莫令古昔嗤愚盲  
桃源不遠在方寸落花流水生春光 桃花源志畧

國朝 徐朝彝 字拙齋吳縣人官爵未詳

題紀退菴畫桃花源圖

勞君蘸筆桃花水為寫秦人洞口山寄語漁郎莫惆悵

仙源今已在人間

同上

蜀王慶麟

字希仲一字時祥華亭人嘉慶癸酉舉人著有洞庭集

桃花源圖

秦世桃花晉世開武陵漁子何從來世間果有此風日

漁子何為輕一出當日捨船窮水源便從狹路通花村

田池屋舍猶人世雞犬桑麻尙儼存村人始驚復歎惋

安知秦後猶有漢為說今方晉太元異聞誠不如目見

桃花源志

卷三十一

藝文

三

退補齋藏板

萬樹桃花深復深春水水漲無從尋南陽高士何嘗病

早已辭家人此林

本集

蜀盧爾

字桃塢墜江人嘉慶甲戌進士官湖南芷江縣知縣

題桃源圖

于今都是太平民洞裏神仙尙避秦贏得許多疑案在

探奇先問武陵人

春雨庭階蘚欲斑雲中潭水夢中山天涯一種盧綸感

路到花林第幾灣

桃花源志畧

蜀郁位中

字琴波宿遷人官爵未詳

郁位中

字琴波宿遷人官爵未詳

鮑薇菴舅氏命題桃花源圖

武陵太守風流甚問訊桃花源索賦詩此日太平好風景  
披圖如見古皇義

桑麻雞犬自成村洞裏神仙久閉門我亦西湖舊漁隱

問津來溯武陵源詞社

國朝許棻字藹齋上元人官爵未詳

題劉覺香出所藏桃花源圖

問津人去總徘徊洞口桃花錦作堆何不中間添箇我

雨蓑煙笠釣魚來同上

桃花源志 卷三十三 藝文

康學倫字蘆村武陵人官爵未詳

題唐小俠畫桃花源圖

咫尺仙源境逼真直教繪出武陵津鍊丹臺古分明在

始信瞿童有後身

綠蘿山遠擁晴嵐白馬濤生萬象涵留與千秋作粉本

豈徒名勝著湘南外舅竹谷翁輯桃花源志畧命小俠繪圖○桃花源志畧

國朝唐鴻緒字荻舟武陵人官爵未詳

寫桃源圖自題絕句

萬千氣象啟鴻蒙靈境初開有化工我自拈毫傳勝蹟

那知身在畫圖中

桃花源志畧

闕陸耀遹

字劭文武進人貢生道光辛巳薦舉孝廉方正官訓導著有雙白燕堂詩集

半主馮景泉桃源圖卷子

馮君示我行看子林影溪痕漾紅紫桃花潭水深復深

我別馮君記于此春風吹來竹葉舟一溪春水隨花流

嫩晴不用綠蓑笠曬罽亦趁殘陽收萬花開處滄波轉

人與閒鷗同緩緩水邊花裏見巖扉蘿帶垂簷落紅滿

我生不識武陵路亦未展讀摩詰圖甫里先生舊漁具

十年拋擲芙蓉湖軟塵踏遍青門道忽見馮君亦西笑

桃花源志

卷二十三

藝文

二

退補齋藏板

借問前春補種花為言某水曾垂釣莫待秋風始放船

鱸魚較晚鱖魚先花枝四面波三面絕憶臨平上已天

本集

闕

陳樂光

見卷二十一

桃花源圖

編茅舊住武溪涯楚樹燕雲幾歲華自笑輪蹄銷鐵盡

半生游興負桃花圖寺

昔人避地為逃秦治世翻思避地人解使溪山入圖畫

碧雲紅雨自長春

沅湘耆舊集

國朝 楊寅 字東平 武陵人 官爵未詳

寫桃花源圖自題絕句於後

雞犬桑麻總逼真 洞中都是避秦人 分明一幅桃川景

難寫漁郎再問津 桃花源志畧

國朝 段為黼 字春澂 禮州人 官爵未詳

題唐小俠寫桃花源圖

洞門深鎖舊煙霞 幾見神仙未有家 沆芷澧蘭多采擷

披圖先看碧桃花 桃花源志畧

國朝 彭瑞毓 字子嘉 號薑畦 江夏人 其先世江蘇溧陽人 咸豐壬子進士 二甲第一 授編修 入直南

桃花源志 卷十三 藝文

書房官雲南鹽法道 著有賜龍堂詩藁

題桃源圖

我欲學仙人 常恐食無肉 又恐離室家 深山苦幽獨 桃

源仙人真快意 殺雞作黍無戒忌 父老子弟處其中 千

秋萬歲不相棄 漁人漁人爾何疑 千載幾人得遇之 况

復仙人多纒綬 入山那有出山時 出山容易入山難 渺

然流水桃花殘 洞口不見雲漫漫 本集

國朝 周映清 字皖湄 歸安人 乾隆間 適布政使 葉佩蓀 贈夫人 著有梅笑集

題桃源圖卷子

三年塵土東華路卻望家山渺煙霧誰將圖畫證仙遊  
直到漁人問津處鱗鱗新水碧於染豔豔天桃紅帶露  
溪邊雞犬亦蕭閒卻指人家隔深樹漁人已識仙源好  
不肯分明指前渡一聲欸乃刺船去太守何由識其故  
我今身世樂昇平卅載白蘋洲畔住門前占盡武陵春  
水面桃花落無數

湖州詩續錄

桃花源志

卷二十三

藝文

三

退補齋藏

桃花源志卷二十三終 寒山烟靄靄林圖畫猶山嶽

桃花源志卷二十四目錄

藝文  
三首

觀主山房  
日觀東房  
桃源僧舍  
桃川宮

靈巖寺  
白雲庵  
煉丹臺  
淥蘿山

桃花巖  
含章  
漁仙寺  
空心杉  
穿石

水心巖  
白馬渡  
漁網溪  
怡望山  
一名彝望

三門山  
齊曰三首  
藝文  
三首

唐  
孟浩然  
一首  
李質  
一首

桃花源  
卷三  
目錄  
于鄴  
一首  
退補齋藏板

段成式  
一首  
于鄴  
一首

陳光  
二首  
釋皎然  
一首

三門山  
釋齊己  
三首  
唐時方士  
一首

宋  
白馬渡  
空唐沐績  
一首

李含章  
一首  
空唐沐績  
一首

王庭珪  
一首  
刺朱臺子  
一首  
蘇山

曹道冲  
一首  
淋呂曾巖  
七首  
川宮

沐高士  
三首

黃鎮成一首

郭大昇一首

唐龍一首

何景明四首

薛瑄一首

王守仁一首

圖徐守誠一首

陳仲錄一首

李春熙三首

胡三松二首

李山徵五首

於文徵一首

龍德孚一首

鄒元標二首

袁宏道十七首

龍鵬鷹二十五首

桃花源志

卷三四

目錄

江盈科二首

楊嗣昌十一首

譚元春三首

羅其鼎三首

楊山梓一首

譚紹琬一首

楊春勳一首

釋三休一首

國朝

汪虬一首

又平鵠一首

朱祿一首

徐昌支一首

胡期恒一首

趙士麟一首

徐昌夏一首

羅天經一首

退補齋藏板

張漢一首

黃璵一首

陳長鎮一首

張九鉞一首

文自奎一首

趙文哲一首

姚定益一首

高堦一首

徐昌源一首

陳萬雋一首

汪徵遠一首

楊先鐸一首

趙承欽一首

陳楷禮一首

龔立海一首

程恩澤一首

戴南崑一首

譚震一首

桃花源志

卷三

目錄

三

退補齋藏板

向節孫一首

王淵敬一首

俞昌烈一首

姚文益一首

文自奎一首

刺吳魁一首

刺吳魁一首

刺吳魁一首

刺吳魁一首

補編錄

坐忘心

刺謝甄一首

刺謝甄一首

刺謝甄一首

刺謝甄一首

刺謝甄一首

刺謝甄一首

刺謝甄一首

刺謝甄一首

桃花源志卷二十四

永康胡鳳丹月樵編纂

藝文

古今體詩

唐孟浩然

見卷十三

遊精思題觀主山房

士卷坐累賦

誤入桃源裏初憐竹徑深方知仙子宅未有世人尋舞

鶴過閒砌飛猿嘯密林漸通元妙理深得坐忘心

孟襄陽集

唐李質

字公幹襄陽人擢進士第大中時官至江西觀察使

宿日觀東房

向窅指共幽

桃花源志

卷三四

藝文

一

退補齋藏板

會入桃溪路仙源信少雙洞霞飄素練薛壁畫陰窗古

木愁

一作疑

撐月危峯欲墮江自吟空向寂誰共倒秋缸

全唐詩

唐段成式

字柯古臨淄人世客荊州宰相文昌子也以廡為校書郎歷尚書郎太常少卿連典九江

縉雲廬陵三郡坐累退居襄陽著有集七卷

孟桃源僧舍看花

前年帝里探春時寺寺名花我盡知今日長安已灰燼

一作禾黍

忍能南國對芳枝

全唐詩

鳳氏且懣懣

唐于鄴

唐末進士著有詩一卷

贈王道士

日日市朝路何時無苦辛不隨丹竈客終作白頭人浮

世度千載桃源方一春歸來華表上應笑北邙塵全唐詩

唐陳光唐末湖南人

題桃源僧一作裴說詩

桃源有僧舍跬步異人天花亂似無主鶴鳴疑有仙軒

廊明野色松檜溼春煙定擬辭塵境依師過晚年沅湘耆舊

集

題陶淵明醉石

桃花源志卷四 藝文 二 退補齋藏板

片石露寒色先生遺素風醉眠芳草合吟起白雲空道

出乾坤外聲齊日月中我知彭澤後千載與誰同同上

唐釋皎然見卷十三

晚春尋桃源觀

武陵何處訪仙鄉古觀雲根路已荒細草擁壇人跡絕

落花沈澗水流香山深有雨寒猶在松老無風韻亦長

全覺此身離俗境元機亦可照迷方全唐詩

唐釋齊己名得生姓胡氏益陽人出家大瀉山同慶寺復栖衡岳東林欲入蜀經江陵居龍興寺自號衡岳沙門

著有白蓮集

寄武陵道友

阮肇迷仙處禪門接紫霞不知尋鶴路幾里入桃花晚  
樹陰搖蘚春潭影弄沙何當見招我乞與片生涯沅湘耆舊

懷武陵因寄幕中韓先輩何從事

武陵佳致跡多幽每見圖經恨白頭溪浪碧通何處去  
桃花紅過郡前流常聞相幕鴛鴻興日向神仙洞府遊  
鑿井耕田人在否如今天子正徵搜同上

寄武陵貫微上人

桃花源志

卷三

藝文

三

退補齋藏板

知泛滄浪權未還西峯房鎖夜潺潺春陪相府遊仙洞  
雪共賓寮對玉山詩裏幾添新菡萏袖痕應換舊爛斑  
莫忘一句曹溪妙堪塞孫孫騁度關同上

唐時方士

唐姓字里居未詳

桃川宮

流水迴環日夕澄煙蘿石壁四時新清風臺上深瑤草  
夜雨松根老茯苓九轉丹砂龍虎伏千年劍氣鬼神驚

道人今向蓬萊去白鹿歸來月滿庭

桃花源志略

宋李含章

字時用宣時人太平興國中進士官屯田都水員外郎充三司度支判官出知本郡罷

遊桃源觀

碧草芊絲一洞春青蒼寒疊五溪雲山縈乳竇層層秀

路隔桃花處處分苔徑竹深迷鶴跡石潭松古漏星文

通宵回想塵寰事好結茅茨向水濱

宋唐績字公懋零陵人元符庚辰進士歷官衡山知縣通判鼎州擢福建路運判

一水穿巖走碧沙沿溪樛木臥

源路一作洞不見溪頭一作中流落花詩刻桃源靈巖洞左側方軌後書政和某

龍蛇分明便是桃

年月日。沉湘耆舊集

桃花源志

卷十四

藝文

四

退補齋藏板

宋王庭珪

字民瞻安福人政和八年進士紹興中坐訕謗流夜郎檣死許自便孝宗召對內殿除直

敷文閣著

和劉美中尚書聽寶月彈桃源春曉

何年鑿源開混茫桃花兩岸吹紅香煙消遠浦生微陽

漁舟誤行溪水長溪迴岸轉山隙光疑有絳闕仙人房

居民爭出羅酒漿花間笑語音琅琅抱琴釋子眉髮蒼

流泉韻磬鳴長廊能彈往事悲孟嘗昔時臺沼今耕桑

又如勇士赴敵場坐令遊子思故鄉清猿抱木號鴻荒

孤吟劃見丹鳳翔曲終待月西南廂重調十指初不忙

如見古畫秦衣裳春天百鳥爭頡頏桃源歸來今已忘  
彈到落花空斷腸宋詩紀事

朱子見卷十三

黃塘嶺

屈曲危厓轉沈陰山氣昏蟬聲高樹暗石瀨淺流喧已

過黃塘嶺欲覓桃花源無爲此畱滯驅馬踰山樊晦菴集

曹道沖字三衡山人官爵未詳

題謝先生白雲菴

桃源洞口武陵人跳出紅塵二十春但喜白雲深有趣

桃花源志藝文五退補齋藏板

不知青眼近來親丹砂已向坤爐伏玉永先從坎鼎烹

活計一張焦尾外碧壇三尺禮星辰桃花源志略

宋呂巖見卷十三

纜船洲

笑拋漁艇入蒼茫豈意壺申歲月長歸到荒洲無覓處

萋萋芳草對斜陽

仙徑亭

紫氣南來第一關道人家在白雲間山門深鎖無人到

流水落花春晝閒

空心杉

老幹槎枒樹底空學仙遊子坐空中自從白日飛昇去  
幾度寒鴉噪晚風

鍊丹臺

自築斯臺學鍊丹丹成飛上紫霄一作雲端空餘遺址在

人世滿目青山碧草寒

歸鶴峯

鶴歸華表幾千年雞犬隨丹盡上天開遍碧桃春不老

千巖萬壑鎖蒼煙

桃花源志

卷三四

藝文

六

退補齋藏板

桃川仙隱

說著神仙豈偶然神仙名不是虛傳巖門石洞今還在

流水落花經幾年

梅溪煙雨

摩挲睡眼望山均非霧非煙隱四郊一幅生綃不收拾

被風展卻挂林梢

桃花源志略

宋沐高士

姓字里居未詳

楚山春曉

霧散雲收宿雨乾春桃落盡曉風寒晴山四望天開畫

啼鳥一聲人倚闌

桃花源志略

鍊丹臺

風韻同韻錄士貪物

山雲

洞角丹砂吐錦雲龜毛鉛彩瑞氤氲我來收入縣胎鼎

鍊到洪濛未剖分

同上

空無

鍊丹臺

淥蘿

香露母伏眼育虛中天

鍊丹臺

第一巖前景若何江流激濫漾晴蘿游仙道士無縈繫

也共白雲棲一窩

一作澗

雲數千只泉泉

鍊丹臺

黃鎮成

字元鎮邵武人弱冠卽厭棄榮利延祐初再試有司不合遂周覽楚漢燕趙齊魯之墟

海而返以聖賢道學自力天庥三年薦爲江西路儒學提舉祿不及而卒年七十有五諡

桃花源志

卷三四

藝文

七

退補齋藏板

日貞文處士著

題桃花巖

小僉山中數塊石上出浮雲幾千尺寒泉飛下絕澗響

老樹倒挂蒼苔壁巨靈擘斷知何年中有古洞藏神仙

蓬萊宮闕浩杳靄世外別有壺中天巉巖磊塊相緣入

雲霧晦冥光景集丹房石室淨無塵虎攫龍擎半空溼

山人舊說桃花巖山高水絕無由探我來正值巖花發

長嘯獨倚春風酣同游雅士貪幽趣自劬山雲燒筍具

兩山流水一川花依稀似是桃源處世上紛紛吹戰塵

山中道人都不聞欲從君住不可得一聲孤鶴唳空雲

山家絕句

家住桃花源上村編松為屋鹿為羣匡牀盡日臨門坐

閒看青山起白雲

同上

元

郭昂

字彥高彰德林州人至元間為沅州安撫司同知以降谿洞功擢安遠大將軍

過桃川宮

桃花流水五雲閒咫尺仙凡隔往還白鶴不來華表在

翠鸞飛去玉簫閒戰塵滿眼何時了雲駕無由得暫攀

桃花源志

卷五

藝文

八

退補齋藏板

六載苦辛誰與問瘴煙空染鬢毛斑

桃花源志略

明唐

龍

字虞佐蘭谿人正德戊辰進士官至吏部尚書著有漁石集

桃源宮阻雨

曲曲仙人逕青驄此暫遊相逢春正好其奈雨為憂花

發千門漲雲深四月秋道人名不識為我指丹邱

本集

明

何景明

見卷十四

桃川宮四首

神宮轟飛觀結構俯層邱上翳萬年樹下映千尺流仙

蹤久已没百代傳其由荒塗橫白雲寥寥安可求

谿谷多青氛朝暮不可知雞鳴洞中樹輕噉散華池白石流丹液靈葩耀朱蕤誰能學丹術遂使塵網離

石洞無遺構空巖長松桂入深忽已陰升高稍知霽山光晚多姿谷響秋轉厲緬懷避秦者一往成永逝

溪中何所有磊磊多白石紫參生其陽青松植其北遠林商氣清絕巘夕光白何當發雲奏招我吹簫客

大復集

明薛

瑄

見卷十四

### 遊靈巖寺

靈巖有路入煙霞臺殿高低釋子家風滿迴廊飄墜葉

桃花源志

卷三

藝文

九

退補齋藏板

水流雙澗泛空花青松閱世風霜古翠石題名歲月賒

誰謂無生眞可學山中亦自有年華

河汾詩集

明王守仁

見卷十四

### 桃源東禪寺

絕岸深泥冒雨攀天於佳境亦多慳自憐客況頻移棹頗羨高僧獨閉關江草遠連雲夢澤楚雲長斷九疑山

年來出處渾無定慚愧沙鷗盡日閒

陽明集

明徐守誠

餘姚人宏治癸丑進士官湖廣參議

### 仙逕亭

幽亭曲逕接雲衢千古仙蹤半綠蕪惟有桃花千萬樹

行人錯認是元都桃花源志略

明陳仲錄字子載武陵人嘉靖丙戌進士除新城令歷官山東按察副使祀鄉賢著有文集

東林禪房

唵遍三千洞來眠四大牀白雲鐘鼓外翻笑老僧忙沅湘

耆舊集

明李春熙見卷十九

餘仙訪於獻夫

江上煙消圖畫開蒲帆蘭槳溯流來相逢已擬同傾倒

桃花源志 卷三 藝文 十 退補齋藏板

肯似王猷興盡回

馬石溪頭煙樹連白雲山下望餘仙兒童笑指牙檣影

莫是元章書畫船沅湘耆舊集

漁仙寺獻夫卜隱改為餘仙謂有餘之仙也遂自

號方外餘仙

深洞元藏二酉書松間新構草元廬相逢漫羨神仙好

比似神仙更有餘同上

明胡松見卷二十

重過桃川宮

再過桃川院花飛春已深  
鉤簾邀燕入倚杖聽猿吟  
俛仰皆陳迹艱難只此心  
秦時有遺洞薄暮更須臨

本集

其二

楚澤茫茫幾往迴  
瓊宮斜傍翠微開  
落花啼鳥今猶昔  
明月清風去復來  
爲愛名山頻駐馬  
不堪長路且銜杯

桃源眞跡知何在  
萬古千秋白髮催

一作只浪  
猜同上

明李

徵

字誠之湖南桃源人嘉靖戊戌進士任行人  
遷刑科給事中歷禮吏二部出爲江西按察

司副使分巡瑞州轉江西  
布政使著有元光詩文集

綠蘿山

桃花源志

卷三四

藝文

十一

退補齋  
藏板

我聞仙源之峯矗千丈  
淩蘿直一作更

在諸峯上

倒臨潭

水摩蒼雲秋空雙削芙蓉嶂  
流丹結翠一萬古雲濤雪

瀑那能狀淙蘿仙人歸幾時  
釣竿百尺潭之溜手招黃

鶴歌白石天邊明月來  
何遲巖頭往往風雷急  
潛蛟起

舞山鬼泣漁郎漁郎莫漫入  
從來福地神所祕

桃花源志略

和陳子載東林禪房韻

豈厭浮生擾時分  
老衲床閒庭花影靜  
坐聽鳥聲忙

東林禪房次蔣道林韻

溪頭秋水漲新綠  
溪邊無數野鷗宿  
山僧坐起鷗不驚

一片禪心靜如浴

同上

靈巖寺

羣峯迴遶一谿深秋老禪林

一作寒潭

紫翠

一作夜氣

沈埽石可

能分半榻欲從風雨聽龍吟

同上

次唐人韻

溪頭繞徑散晴沙石磴霾雲隱蟄蛇便擬磨崖題絕頂

洞名從此屬桃花

同上

明於文徵

字信夫一字獻夫桃源人嘉靖庚子舉人累官睢州知州乞養歸就隱公漁仙寺卜居改

漁為餘自號方外餘仙著有於大夫集

桃花源志

卷四

藝文

三

退補齋藏板

餘仙洞天寄孫淮海公

記得前旌發習池醉餘同望峴山碑三年蹤跡勞心寫

萬里雲霄見羽儀偃仰洞中聊自適交遊海內幾相知

題書漫附黔西使雞黍重逢未有期

沅湘耆舊集

明龍德孚

字伯貞武陵人君御先生之父嘉靖戊午舉人授衛輝司理轉甯波府丞入為南戶部員

外郎著有對湘樓集

空心杉

仙子心空已辭去翠雲還覆空心樹海天一鶴夜飛來

濤撼松林不知處

本集

明鄒元標

見卷二十一

桃源東禪寺別李瞻麓

北風蕭瑟滯行舟，孤劍翩韃古寺留。  
尊酒非緣今別誼，賞心原是舊交遊。  
百年俠客知難聚，一飯王孫可易酬。  
江上萬花看不盡，何時結社共滄洲。

願學集

明袁宏道

見卷九

望涿蘿山有懷江涿蘿

好在青谿曲，巖花石乳新。  
空聞流水引，不見涿蘿人。

明月層層岫，烏紗面面塵。  
十年求道侶，能不憶仙隣。

袁中郎集

桃花源志

卷十四

藝文

十三

退補齋藏板

水心巖

猗龍負巨山，一往冰潭睡。  
春沫與秋瀾，洗盡青山蛻。  
石膚鑑水光，遞互發清麗。  
轉盼分瘦妍，生動各有意。  
我欲舉鐵網，拔出珊瑚翠。  
付與種桃人，置之花深地。  
他時攜杵來石上，聊一戲。

同上

穿石

溪上望穿石，敲憑如甕子。  
石底望溪山，山如鏡裏平。  
翠疊中一峯，天矯起澹與奇。  
相值幽豔，忽無比鬼斧。  
鑿天真，刻意出新詭。  
一處幻玲瓏，千崖燦花蕊。  
虛空不

受雲飛仙無停趾惟有地籟風終古來遊止時時隨落花飄度秦人水同上

登河沈山

高閣俯蒼崖下有花源路料得避秦人入山從此去潭水浣山膚膚盡紅霞露老蛟挾瘦石千古盤渦怒溪上盡漁郎誰識花流處事往白雲新人去青山故挂卻茱萸囊長嘯倚丹樹同上

託龍君超爲覓仙源隱居詩以寄之

雲石村中且卜廬憑君爲買一峯餘全栽松菊爲疆界

桃花源志

卷四

藝文

十四

退補齋藏板

盡寫煙嵐入券書門對仙童澆藥地巷通毛女浣花渠閒中每愛天台去好與劉晨比屋居同上

送君超還武陵

山水心情謝永嘉斷溝殘石漸盈車高齋是處鴉棲墨娃閣頻分燕作家袖裏新書驚惠子卷中逸事困張華烏藤白袷仙山去知入桃源幾樹花同上

別君超君御兄弟

青鞋不破武陵春歸去西風一面塵荷葉山頭聞杜宇

桃花源上別秦人深村稻熟泉當戶廢苑茶香寺作鄰

可是無花無地主祇緣無計得分身

同上

桃花流水

有引

水源棹返幽思縈懷枕上夢中如有所得命曰桃花  
流水引亦仙家竹枝辭也

華陽巾子碧絲環紫府簷前舊押班阿母筵頭爭一擲  
醉中輪卻小蓬山

路逢蕭史不回身風裊芙蓉繡領巾雲裏自然清格少  
但憑閨豔作仙人

袖卻紅雲侍紫皇詠諧長是困東方乍來不識天顏笑

桃花源志

卷十四

藝文

十五

退補齋  
藏板

只道頻噓列缺光

夜深仙犬吠花關私過雲英與玉環天上看來偷律重

玉桃一顆謫人間

埽斷紅霞陌上塵青鸞白鳳集仙眞吹笙搗藥皆廝品  
要作蓬山罵坐人

鬪草筵前霞作堆花宮無事濫驅雷麻姑向說水清淺  
又過扶桑看一回

東海羣兒拜木公腰間常繫鳳凰籠絳裙一舞翻飛去

驚起扶搖滿翅風

光碧堂前催賜衣少年天女弱腰圍而今花樣新奇甚  
不用銀河織錦機

盡到朝元會上來春風坐遍小瓊臺閒聽蔡誕輸龍語  
引得諸仙笑似雷

燒盡銀灣水作田全憑奇僻傲諸仙老來猶自耽兒戲

弱水洋中泛鐵船

同上

明龍 膺見卷八

### 漁仙雜述二十首

進艇白石灘漁仙渺何處直過龍家溪遙識前村樹

桃花源志

卷三四

藝文

十六

退補齋藏板

纜入漁仙口盤渦水一灣丹崖閒鐵壁連互十重山  
馬石俯青谿檀欒萬竿竹仙犬吠柴門層樓架山麓  
飛虹石作梁蜿蜒龍山下舉頭見丈人彷彿陟太華  
峻嶒萬壑臺千山儼如扈洸潰大江來迂迴不欲去  
竹裏澗潺潺小橋過方石透迤雙樹林一片飛霞壁  
翠律莎羅崖如入清涼界熒熒無盡燈傳是青山派  
山勢環四圍江流俯一帶時時五色雲絢采入窗外  
綫硤封曉煙磊砢盤曲磴躡足紫竹灣藥香發幽磬  
合沓見層巒雲深路疑絕捫蘿蒼翠流虎跡猶未滅

千秋誰勒銘幾爲匠氏厄猶幸護山君不負巨靈劈  
直上紫崖顛雲霞繡空洞光明宛聖珠無障亦無縫  
篠簜覆陰崖芙蓉發深澗時聞佛鳥鳴飛泉下石棧  
天柱高人雲石蘭挂崖際微風散眾香坐諷蓮花偈  
崖古蝕苔斑恍積千年雪掃石坐良朋林花自飄瞥  
石筍綴奇葩翠波生虎耳四月海棠秋山山爛霞綺  
三面萬仞巖雪壁圍如障隙處繞簷亭亭赤霄上  
倚閣眎澄江千帆挂雲影下有釣石磯可以學箕穎

千載稱漁仙誰領雲霞窟余豈神仙流生來有仙骨

桃花源志

卷十四

藝文

十七

退補齋  
藏板

高遁羣喧息深林倦鳥還山雲白如髮相對兩閒閒

者舊集

夜自東園歸得袁中郎德山諸詩讀之甚快惜不

一問桃花源而去走筆畱之

桃花萬樹秦人居黃精爲飯芝爲蔬長休自具神仙眼  
好去同窺石室書

我攜怪石自江南逗月穿雲透碧嵐更有龍鱗雙檜老

須君佳詠絕成三

我家兄弟俱好奇畱賓不減習家池檀園松閣饒花月

處處拚君倒接羅

同上

### 漁仙洞

漁郎得意自忘筌  
笑狎煙波一浪仙  
丹室尙遺高遁跡  
久攜雞犬上青天

同上

### 煉丹臺

高吾最高頂呼吸  
九關通煙樹依丹  
竈林花覆藥宮刀  
圭餐絳雪鐵笛唱  
迴風忽憶坡仙記  
瞿塘或此童

沅湘耆舊

集

明江盈科

見卷八

桃花源志

卷五

藝文

十八

退補齋藏板

### 桃川宮

白雲一片鎖孤村  
隔嶺時時嘯斷猿  
淪鼎池荒遊水蛭  
空心杉老長雲孫  
黃冠只解緣南畝  
丹竈何人闢正門  
欲學長生無處覓  
參同契在共誰論

煙霞蒼翠染鬚眉  
彷彿仙翁與紫芝  
童子隔園窺綻栗  
道人別蘚讀殘碑  
丹青歲久添蟲篆  
離落秋深護網絲  
十載重來又遯返  
逃名殊媿北山移

桃花源志略

明楊嗣昌

見卷九

### 遊靈巖

皇帝萬歷春四十又一年我遊靈巖寺寺在靈巖裕板  
扉若貧家石池漫蝸涎陰塵糞古佛老殿牛屋羶僧來  
土瓦中見客腳自跣頭須一寸禿臭若豕鬣導客出  
大門避影並流泉泉流發何許洞穴藏神淵洞門何所  
有奇礪猛而躡森然虎豹怒呀哮九關前洞中何所見  
窈窕穹窿穿百人受高舍五丈吞曲旃仰視額角上忽  
若撞青天媧皇巧銀鍊剜劖無一全九鳥射日落萬戶  
修月弦又如拔厚地倒壓空濛煙邱陵俯鬱確草樹敲  
絲芊千凹與萬凸磊何何不平鬼髓靜滴瀝精神瀉涓  
桃花源志

卷十四

藝文

十九

退補齋  
藏板

涓有若干佛母撒乳千佛咽一乳五百道兩乳千道懸  
欵若風叩絲映若冰泮田鐘鼓或閒作餘籟浮空傳噲  
呖而窳坎銅銅以齧齧凝成萬物象妙出陶氏埏朝榮  
或如菌夜舒或如蓮三年或如刻頃刻或如仙奇葩不  
可識海外來張騫白齒粲河鯨簡珠爛淮鱗老蛟脫鱗  
死黠矜挂角眠怪狀杳難述瞿若禹鼎鐫異骨每欲泐  
數尺委如椽又如載防風一節車可專粗剖姜維膽老  
築李陽拳卻後青瑯玕膚秀色亦妍貌之不可得載立  
不舍焉忽思大秦人欲挂珊瑚袖鐵網一萬目鑿鑿海

底聯笑指此石是何時出塵筌咄此未爲絕後洞乃爭  
先洞門如廣廈石理如清漣笨藤若修蛇百尺自蜿蜒  
蝙蝠如燭銀厥壽歲一千舍旃入洞腹古壁瘦且堅鳳  
髓白蕩蕩龍泓碧澶澶勇猛一丈夫相好何精妍面容  
詎狹長滿月足光圓衣紋數髮毫朱繡徒萋萋天風一  
以颺脫壁如飛仙海水渡瀕湧假楫非舟船前瞻行願  
王一者來翩翩左袖扞修雲偏袒供右肩七寶飾纓絡  
果玉與珠璫六牙嚮香象舉體如細氈四壁淨一色離  
堆兜羅絛我疑三大士出世爲因緣乘獅偶然後瞠乎

桃花源志

卷三

藝文

二

退補齋  
藏板

其不鞭若人把炬火直入窮幽元應復觀文殊莊嚴若  
普賢繫誰造此像微妙浩無邊鬼斧不能鑿真宰因其  
然萬古智燈燭六時香雨煎昔聞顧虎頭擬畫維摩禪  
一軀點兩眼驟享百萬錢裴雯拔劍起道子揮毫顛老  
筆刷如鐵醉墨爭奇鮮彼一手腕力蹊徑猶可沿又如  
眾生類嚴飾諸佛祇塗以膠漆布範以鐵錫鉛然以白  
旃檀布以黃金甄巧匠紛刻鏤多財能自捐何如一片  
石生長無煩搗窪窿拊弱浪賦澤擊驚鱸以茲凝濁姿  
幻出清且媿安知耆闍窟忽覩桃花川昔時聞一峯東

來飛以翺墮彼靈隱側硜爾纔一卷胡然浪得名藉正  
東南偏我欲乘風飄擲之使西還嗟此澗中石徒眾累  
萬員吾將邀生公振錫來敷宣妙諦悅眾心天花分八  
埏時時坐聽法念得成佛便而今且奚適桃花洞連連  
花開不可見水脈流潺湲轉側窺石竇獨往不可駢宵  
然一鏡徹缺月張空卷安得有聳人出入恣翩躚怒抉  
洞中石尋源泝濺濺折麻持作楫剖竹持作舫鑿開混  
沌入夢破華胥旋不然遣漁郎狡獪往復遄爲我言其  
中桑麻閒市塵衣冠古時製男女多嬋娟其初定何許

桃花源志

卷三

藝文

三

退補齋  
藏板

避世到此權漫假不復出世代忽以遷我始爲歎惋聽  
已心嗎嗎行將率妻子耕鑿遊獵畋傳與好事人搜之  
入奇編棄置且歸去空山號杜鵑

桃花源志略

### 夷望山

每愛昌黎語青羅綰碧簪所矜吾土美遙獲古人心四  
壁信孤影五溪懷眾音冬春兩攜策稍不昧高深

同上

### 關下山

東帶關溪瀉注沉  
瀆今仙人溪是

眾峯相倚媚煙草惑巫山每向桃源說如經蜀道間仙  
家藏定密水意折從關妙盡支川理蟲魚注可刪

同上

白壁灣

沅水又東歷臨沅縣西為明月池白壁灣狀半月清潭鏡徹上則風籟空傳下則泉響不斷行者莫不擁揖嬉遊徘徊愛玩今穿石是也

此山疑漢史穿鑿豈無痕煙水營茲窟華夷限若門笛

寒飛鳥路燈遠釣漁村賴作嬉遊思篙師已悸魂同上

三石澗

沅水又東歷三石澗鼎足均峙秀若削成其側茂竹便娟致足玩也今漁仙寺倒水巖是

號石宜為萬稱尊適可三中仍瀉寒澗名久蝕精藍伏

谷虎晨出隔沙漁夜談霜林與霞壁襯取夕陽酣同上

綠蘿山

沅水又東帶綠蘿山頽巖臨水懸蘿釣渚漁詠幽苔浮響若鐘今在桃源縣西十里

桃花源志

卷十四

三

藏板

綠蘿名字不昧

一生看不足疑此弱煙凝靜覺蛾輕歛虛惟影自憑飛

濤雷雁字寒葉點漁罾坐撥孤琴冷清音寫未能同上

臨沅縣

萬里牂牁水春城幾共臨劃沙煙作帶吹岸雪為音花

閱秦年曙烽傳漢塞陰不知招隱地荒草尙堪尋同上

平山

信矣堪棲託高真蹟可尋泉仍渌枯井磬未隱空林魚

鳥供人足田廬隔世深能來漢陰客吾與息機心同上

同李長叔袁小修飲江中散宅

桃花遶屋勝蓬蒿未得成仙也自豪緩押新詩消蠟燭  
爭傳豔曲送春醪山深漏鼓聽全暗水激魚梁夜獨號  
興發一時狂與酒不會燕市讓荆高

同上

沙羅夜泊聞灘聲

片霞初月蓋疎蓬驟雨驚雷入夜風不爲榜人催早起  
爭知敲枕半窗中

同上

漁仙卽古巖頭招提中有馬伏波石室及石梁聖

珠諸勝同賦一先五言十韻

桃花源志

卷十四

藝文

三

退補齋藏板

沂水專尋石懷仙忽造禪煙霞封理窟笳笠帶因緣小  
築今漁隱荒祠昔馬賢梁橫據鞍勢洞闢止戈年左澗  
從饒竹春珠自濺泉腰鎌磨歲月珥筆勒雲煙我已六  
攜酌君茲初扣舷勝心窮虎跡高韻想龍眠花老非羸  
代烽清別漢天還吹寄生笛莫和五溪篇

同上

明譚元春

見卷十四

漁仙寺

竹外藤邊深淺行近來焚翦得山情纔開古洞禽知路  
盡復禪居虎夜鳴泉道冷然離磴去石梁奇絕爲樓生

細將理數分興廢更上一峯春水明

嶽歸堂集

穿石

雨細空江山弄煙轉添靈靜不知邊鷺飛新柳鶯飛棹  
飛向石中天外天

下控漁仙上水心此中吞吐亂煙深試從山遠江澄裏

四聽人間篙櫓音

同上

明羅其鼎

見卷十一

宿桃川大士閣聽泉未已住僧迺以蛻骨所得舍

利及詩示因和之

桃花源志

卷十四

藝文

三

退補齋藏板

古刹層陰護碧叢晚霞高抹佛林紅泉聲咽石疑爲雨  
竹影搖窗忽有風舍利靈光延客賞梵王殘偈入詩工  
孤燈榻背昏鐘杳夢斷塵緣萬慮空

月江仙掌集

靈巖同魯一男作二首

洞壑妙文心奇乃在奧折作者構深思慘澹費營設光

怪恣迸露神理自蟠結豐裔見體裁卑昂成宕跌靈祕

未可封然炬入其穴碧淺遊潺湲石沫瑩如雪噴薄自

成形初若手可掇乃悟造化工空靈幻起滅撰此殊異

觀迴與凡區別遍數名勝地姑可置評閱

我聞王屋山沈流三伏見往疑酈經注于此思過半眾  
壑競趨下忽爾埋生面穿穴探其幽徐乃露一線石溜  
四壁來濺沫成雨霰奇石小峯巒參差爲宅眷孤情愛  
隱淪灑氣幻結撰誰不肅心魄驚詫曩未見驕穉洞外  
人彼智同斥鷃同上

明楊山梓見卷二十

### 羹望山

中流孤竦獨稱尊只有金焦可共論惜以遐方成割據  
自非好事莫攀援吾家題賞經三世前代風流記二袁

桃花源志

卷十四

藝文

三

藏板

自注中郎小修先後特來遊此盡興而返

此外徑從馳道返

自注桃川宮有馳道

我於

夢得有遺言

自注劉禹錫爲郡司馬頻遊桃川宮不聞到此亦一憾事○沅湘耆舊集

明譚紹琬字屈懷號涉園茶陵人崇禎朝拔貢著有涉園詩草

### 漁仙寺

野水幽篁古洞門蒼苔時有落花痕誰人解說秦時事  
此地堪招漁父魂淒遠笛聲歌別洞微茫雨色在前村

山僧盡日無功課學種胡麻鑿石根

本集

明楊勳

字異民武陵人十歲能文學使異其才崇禎朝拔貢於庠著有寂堂集

將卜居餘仙舟次漳江寄闕褐公

歲序日徂暮舊學潛消退勇智兩昏頑清思惱脾肺餘  
仙豈云遠草石吾所愛窮荒是非絕久矣人事廢十年  
夢見之置牀安石確捲衣束殘書老馬踏破塊頗愛漁  
梁聲水激白石碎買舟溯清溪柔纜回狂瀨眾力如飄  
風篙工執鼓櫂延泉霜月寒潯陽雨聲大平明渡江來  
孤城正青靄迴嵐千丈長淥蘿施微黛官長清且巖齋  
粉無狡猶庶幾贅瓦寒老我此頑憤况有先秦人衣深  
簪瑋瑁何當與之遊從前聽分北

本集

釋三休見卷十四

桃花源志

卷十四

藝文

三

退補齋藏板

過白馬渡作

渡頭雲長擁香蓀練注江流細起痕千載梁公人已去

收埋馬骨賦招魂桃花源志略

汪虬見卷十二

煉丹臺

石磴藤蘿緩步攀淪池猶聽水潺潺臺空人去孤雲在

但得丹成看鶴還桃花源志略

文鵠字月林桃源人穎異博學康熙朝兩中副貢生授永興訓導課士首先德義士林則之祀

賢鄉

宿水溪聽泉

木振千山響泉清眾壑音一舟無遠近孤泊入幽深  
明月結遙契間雲空我心仙源憑在望披豁寫瑤琴

桃花源志

國朝朱祿 字里官爵未詳

宿白馬渡

迤邐桃源道舟停白馬津山光兩岸合水色一天明  
漁火爭明滅煙嵐幻雨晴夜深成獨寤雞犬尚秦聲

桃花源志

桃花源志

卷三四

藝文

毛

退補齋藏板

國朝徐昌支

字崑流武陵人康熙乙酉舉人著有佷山草堂集

漁仙寺用譚友夏韻

春山擁翠若畱行移我胸中邱壑情仙洞出雲天欲雨  
石梁如馬夜長鳴來當三月桃初放愛此千巖柏倒生

縱覽始知天地別廿年塵眼片時明

桃花源志略

國朝胡期恒

字元方號復齋武陵人康熙乙酉舉人聖祖南巡獻詩授翰林院典籍出為夔州通判官至甘肅巡撫

著有蜀道集

播州桃源至喜亭

城東仙蹟傍城闌咫尺靈源隔世塵盡翦榛荆羅萬象

別栽桃柳繪三春山川故事他年語雲水風流現在身  
合是漁郎迷路到不妨雞黍會秦人

國朝趙士麟見卷十四

沅湘耆舊集

### 桃川宮

桃川宮外訪碑題古木參差苔蘚齊寄語後來問渡者

仙臺縹緲白雲迷

讀書堂集

國朝徐昌夏字鴻軒武陵人康熙朝貢生與弟昌支昌運等皆有詩名

### 游漁仙寺次譚友夏韻

策杖看山迤邐行山靈客思兩鐘情鶯花嶺表自啼落

桃花源志

卷十四

藝文

三

退補齋藏板

雞犬空中時吠鳴古寺就荒煙磬冷懸巖若斷野雲生

登高欲眺青冥窄千里長江一線明

沅湘耆舊集

國朝羅天經字康熙朝歲貢生桃源人

### 摩頂松

百尺干霄頂欲摩山中甲子歷偏多柏庭去後無消息

只許清風明月過

桃花源志略

國朝張漢字月槎石屏人康熙癸巳進士由翰林授河南府知府乾隆丁巳召試博學鴻詞再授翰林院檢討改山東道御史有直聲尋以疾辭歸

### 寄桃川道士

白雲深處臥劉安歲歲春風長藥闌朝向蓬山暮歸島

洞簫聲徹數峯寒

桃花源志略

國朝黃 琬字 官冠縣知縣。按福建通志名典。福建長樂人雍正癸卯進士。

### 桃川宮

芟裳曳斷淥蘿煙白馬尋秋對老禪片石茅芻秦洞口

幾家雞犬楚江邊花殘古道誰畱客人去空山半受田

直到淵明傳小記至今漁父尚談仙

桃花源志略

國朝陳長鎮字宗五號延谿武陵人乾隆戊辰進士選庶吉士著有白雲山房集

### 游靈巖

桃花源志 卷三十四 藝文

五 退補齋藏板

春芳綽約娛雙眸挈伴為訪靈巖幽沿巖彳亍走險仄

谷風初暖鳥聲適嶄然一門闢者誰羅列怪石如貔貅

千年苔蘚暈兩壁題蹟芒昧難為求三花老樹何兀兀

枝幹盤空相凌突上有蒼藤縷絡之雲下有蒼龍脫去

之骨人傳種白瞿硎手祗今枝挂晉時月樹外宜亭翠

微裏宜一亭為家嚴所建迢遙亂石如積米坐見文春碧凝煙石

隙寒雲一帶水乘興游日快羣動朝陽榻冷洪崖夢朝陽

洞有瞿穿破夕陽小有天朝陽夕陽二洞相連潺潺一水還相送

直造碧雲邊碧雲洞名浮梁裊石洞不憚路坎坷伏進嶺人

甕鋒稜石乳久雷成萬竅一一皆晶瑩中有碧潭形可  
鑑舉足還恐驚龍神復出氣猶王明心初雪亮石膚簇  
羅紋如織煙嵐帳忽有巨石梗其隈方謂止此入更曠  
試上層崖一徜徉紫雲漣漪嵌琳瑯紫雲漣漪二洞名造物靈  
氣復幾許如此刻鏤殊難當本集

鬪

張九鉞

見卷二

### 漁網溪

重灘盡朗州江秀山遠青迴溪深彎環一峯峙柱形冰

霜削寸膚日月扶孤撐上有萬年樹融液舒其英潭潭

桃花源志

卷四

藝文

三

退補齋  
藏板

翠不流合沓搖空明板屋百餘家隱見雞犬聲春風微  
暄入芳芷無言生欲洗磊砢胸靜讀南華經祗恐漁郎  
笑不得秦人迎桃源在咫尺吾思挈舟行陶園詩集

### 曉過白馬渡

細路緣崖峻朝陽轉轡虛江流殘霧盡人入亂山初洞  
翠飄行柅灘花濺短裾雞聲喧渡口疑有避秦居同上

國朝

文自奎

字西垣號鶯溪攸縣人乾隆壬午舉人官武陵縣教諭

### 晚過白馬渡尋花源口不見

白馬渡邊暝色起仙源或在深山裏扁舟蕩漾涉前津

一片蒼煙覆溪水

桃花源志略

趙文哲

字損之號璞函上海人乾隆壬午南巡召試欽賜舉人授內閣中書擢戶部主事隨溫將軍入金川被難贈光祿寺少卿著有清泉詩集

過桃源初上一灘名毛甕子

灘流清可憐阻石形勢變一望江空濛如雨復如霰

牙數峯峙中各通一綫石立水亦立飛浪搏人面水中

八尺篙水際百丈緯遙遙相叫呼有若赴急難當其入

險時出死力與戰昔稱倒水巖靈秀桃川冠龍溪碧玉

流茂竹紛可玩幽景不我娛徒令飽憂患何處漁仙巷

桃花源志

卷五

藝文

三

退補齋藏板

聞鐘起三歎

本集

國朝

姚定益

字泰臨號鼎南武陵人乾隆己酉舉人著有鼎南詩草

三門山

溪流正駛列三門砥柱能收萬馬屯亂入碧霄排日馭

齊穿坤軸迸雲根高秋塔影搖波影傍岸漁村雜酒村

潭底尺鱗肥可釣雨蓑香帶綠苔痕

桃花源志略

國朝

高

堦

字筆城桃源人乾隆庚戌歲貢生

登三陽峯望穿石

岩龔仄磴逼青蔥獨倚孤筇悵望中一水曲隨深澗出

三峯高插暮天空將軍石室餘荒草游子征舸繫短篷

舊日仙源何處問洞門楊柳帶西風

桃花源志略

國朝徐昌源

字

武陵人官爵未詳

煉丹臺

孤煙幻作香爐篆漆火常疑丹竈煤空有荒臺自千古

白雲飛去又飛來

桃花源志略

陳萬雋

字

龍陽人官爵未詳

靈巖瞿樹

并序

樹以瞿名瞿硎先生手植也值晉司馬跋扈隱靈巖

桃花源志

卷三

藝文

三

退補齋藏板

洞中鑪榻的的可攷皆昔時物樹歷二千年倔強不敗豈散材乎蓋有託也

靈巖一本三花樹圖經博物無傳注居民不識晉春秋

惟記樹者名之瞿初來此地尋仙蹤百洞爭春孕奇趣

蛟虬盤屈勢擎雲蒼藤縷絡直吐霧雕鏤根骨疑鬼工

以手摩挲驚愕錯花開色色翻新鮮碧綠丹黃匪徒至

柯葉時作雲葉姿梳風溜雨混遐寓入寺默息樹邊身

行來萬里日未屬先生手植非無心奇葩不許羣材妬

因知石馬與犧牛接木移花天已數一柱孤撐二千年

挂月支星孰呵護中有猿鶴時往還啼淚朝朝與暮暮

桃花源志略

汪徵遠 字扶晨歙縣人官爵未詳

桃源寄訊漸江上人

期我桃源來更踏桃源陌不見武陵人潭聲挂飛白憩  
息狎浪棲談元憶疇昔坐見峯頭僧冉冉下空碧開師  
霞際書謂耽雲谷適勸我雲谷游清宵話泉石松風生  
晚涼月明照瑤席聊託孤飛雲一訊安禪客 桃花源志略

楊先鐸 見卷十六

桃花源志

卷十四

藝文

三

退補齋藏板

菜蘿山

丹崖插空碧杳靄羅煙鬢虵盤數十轉徑仄不可攀枯  
藤當路隅蜿蜒蛟螭蟠上沸飛鳥翼下臨千尺湍側坐  
古崖暝松陰生夕寒天風吹紫霞墮我襟神閒遙遙翠  
微裏仙人相往還招予拾瑤草霜鬢回童顏翹首望空  
際渺渺隔雲端 醒齋詩草

趙永欽 字仰文桃源人官爵未詳

川上亭對月

天淨暮雲收夜深人語歇偶從川上來停望亭前月江

流一片秋飛去鷗如雪虛白照滿懷形與影俱潔朗吟

王孟詩五字記清絕桃花源志略

鬪陳楷禮字輯五號卷山武陵人嘉慶辛酉舉人宜宜章教諭著有卷山文集

### 彝望溪

武陵山行深盤折窮平陸挂杖涉沅水夷望遙在目靈境絕毒淫山水豁新沐青蘿綰碧簪涓決更南洑漁子集斷流樵響聞空谷溪上四五家舉茅補松屋雞犬雜人煙清曉然楚竹數聲柔櫓中不惜窮源獨中流歌款乃細浪生輕殼杳杳逐雲移冥冥披霧宿昔游誤桃川

桃花源志

卷三四

藝文

三五

退補齋藏板

始此涉幽隩洸蕩督神魂雲綃挂百幅本集

鬪龔立海字柱君號雲濤巴陵人嘉慶丁卯貢生著有垂雲山房集

舟次白馬渡同查花儂昆季羅生鼎華游桃花源

### 秦人洞

白馬江頭暫艤船春山踏破幾重煙有津只要人能問避世方知地果偏眼底儘教空漢魏胸中何處著神仙洞天料有藏書在秦火難燒惜未傳雞犬雲中認故居碧蘿深鎖石門虛桃源滿徑紅飄雨春水流香綠瀉渠遺世可能人跨鶴前身安見我非魚

遇仙橋上逡巡立天外煙嵐任卷舒

本集

國朝程恩澤

見卷十八

綠蘿巖

玉人曉臨鏡縮作墮馬髻自顧一嫣然光拂姊與娣名  
流醉敲帽衣角飄風前書味益胸中俯仰皆可憐茲山  
勝以態千古向人拜不假草樹色濃秀發天黛回颺叩  
其腹其響若鐘鼓其腹疑有月夜夜白如許桃花日暮  
天祗愁化流煙安得棹漁舟守山長不眠

程侍郎遺集

國朝戴南崑

字樵書武陵人嘉慶辛未進士

桃花源志

卷十四

藝文

三

退補齋藏板

場來絃誦一番新風俗居然太古春柳葉湖邊垂釣客  
桃花溪上問津人但安耕鑿求衣食不向神仙辨偽真  
一卷陶詩常在手此生甘作太平民

桃花源志略

國朝譚震

見卷十八

三門山

四臺爭露碧孱顏下有三门蘆荻灣翠黛數重都蘸水  
青螺雙縮欲浮山鐘聲遠落晴煙外帆影來從碧樹間  
我欲鳴琴破空寂層崖一一許躋攀

桃花源志略

國朝向節孫

見卷十一

穿石室詩

漢馬伏波征五谿蠻時鑿石避暑處也見漢書及水經注

日月雙丸出風雷九地穿江山雷漢室表裏見青天漲

作神龍窟中通太乙船誰憐拳石腹曾飽五谿烟桃花流水

集

再題穿石室藏稿

向節孫詩文集名也

向子藏書日將軍鑿石年斯文愁畫口巨刃想摩天虛

北擲無益名山事惘然何須計陵谷過眼等雲烟同上

夷望山

卽俗所稱水心巖也見水經注

鐵鎖千尋上青天四面開孤根蟠水府倒影落層臺烏

桃花源志

卷三四

藝文

三

退補齋藏板

疾衝人過江流齧石回金焦如可致鼎峙亦雄哉同上

桃花源志卷二十四終

